



© Munever Salihović



Omladinski Ljetni Kamp u Bosni i Hercegovini

Odmor za mlade koji mijenja život

Organizaciju i realizaciju kampa 2008. godine podržavaju sljedeće organizacije:

Omladinska organizacija "Omladinski savjet Vlasenica" je nevladina omladinska organizacija čiji je cilj obezbjeđenje takvih sadržaja omladini Vlasenice koji će im pomoći da postanu odgovorni i informisani građani. Mi organizujemo edukaciju i različite kulturne, sportske i događaje zabavnog karaktera.

Omladinska organizacija "Odisej" iz Bratunca je nevladina organizacija osnovana 2001. godine koja sama ili u saradnji sa različitim partnerima organizuje i razvija kulturne, sportske i edukativne programe, te uključuje mlade ljude u stvaranju mogućnosti za njihova radna mjesta.

Green Visions - je nezavisna organizacija, osnovana 2000. godine, koja se bavi razvojem eko-turizma, zaštitom okoliša i samoodrživim razvojem sa sjedištem u Sarajevu, Bosna i Hercegovina. Jedinstvena mješavina aktivizma za zaštitu

okoliša, eko-turizma i samoodrživog razvoja lokalnih zajednica predstavlja Green Visions kao glavnog lidera u prepoznavanju potreba za samoodrživi razvoj u Bosni i Hercegovini.

GTZ je njemačka organizacija koja se bavi međunarodnom saradnjom za samoodrživi razvoj i djeluje širom svijeta. Naš glavni cilj je uspostavljanje vladinog i nevladinog sektora kako bi pomogli mladim ljudima. Glavni aspekt naše pomoći je osiguravanje dugotrajnog djelovanja nevladinog sektora i aktivnosti koje će stvarati prihode te obuka mladih lidera. Za vladin sektor GTZ radi na razvoju administracije i politike vlade.

Turistička organizacija opštine Vlasenica direktno podržava promociju svih aktivnosti vezanih za razvoj turizma u opštini.

© Izlato u martu 2008. godine od strane Green Visions. Koncept i dizajn Munever Salihović. Slike su vlasništvo Green Visions. Green Visions, GTZ i omladinske organizacije ne preuzimaju odgovornost za moguće greške ili štamparske propuste.



Za detaljnije informacije o ljetnom kampu možete pozvati Omladinski savjet Vlasenica na broj telefona +387 56 733811 i +387 63 784062; posjetiti web stranicu www.youthcamp-vlasenica.ba ili pisati na e-mail adresu: info@youthcamp-vlasenica.ba



Naša Vizija

Kako Bosna i Hercegovina nastavlja svoj put ka Evropskoj integraciji, bosanskohercegovačka i evropska omladina ispoljava sve veći interes da ostvari što bliže kulturne i društvene veze. Krajnji cilj ove brošure je povezivanje mladih ljudi u ljetnom kampu u Vlasenici i Bratuncu, planinskim gradićima u istočnoj Bosni. Pozivamo vas da nam se pridružite i doživite ljepotu i različitosti zemlje koja se zove Bosna i Hercegovina.

Pozvani ste da učestvujete u kampu koji su ovog ljeta (kraj juna, juli i avgust) organizovali dvije omladinske organizacije iz Bosne i Hercegovine i to: "Omladinski savjet Vlasenica" iz Vlasenice i "Odisej" iz Bratunca. Ovaj zabavni i uzbudljivi kamp ima potencijal da promjeni živote svih onih koji budu učestvovali.

S obzirom da obiluje nevjerovatnom raznolikošću, kulturnim i prirodnim naslijeđem Bosna i Hercegovina je idealno mjesto za istraživanje tokom ljetnog perioda. Moguće nedostatke u infrastrukturi nadoknađujemo gostoprimstvom, zdravom hranom, netaknutom prirodom i to sve u blizini Evrope.

Ideja da se organizuje desetodnevni boravak u kampu je nastala 2006. godine kada su se GTZ, Green Visions i 22 mladih ljudi iz 9 lokalnih zajednica sastali da razmotre na koji način mladi ljudi mogu značajno doprinijeti razvoju turizma u Bosni i Hercegovini. Velikom podrškom i zalaganjem lokalne zajednice bili smo u mogućnosti da ostvarimo naš san...interkulturalni ljetni kamp za mlade iz cijele Bosne i Hercegovine i Evrope. Tokom 2007. godine implementacija cijelog projekta je bila finansijski podržana od strane GTZ-a i Green Visions-a, dok ove 2008. godine, mi, dvije omladinske organizacije "Omladinski savjet Vlasenica" iz Vlasenice i "Odisej" iz Bratunca ćemo sami implementirati i realizovati ovaj projekat što će ga učiniti krajnje samoodrživim kako je prethodno i bilo zamišljeno i od kojeg će lokalna zajednica posebno mladi imati velike koristi.

Dok se naš projekat prirodno fokusira na spajanje mladih ljudi kako bi se upoznali, uživali i učili jedni od drugih, ostali podjednako važni aspekti projekta su zapošljavanje mladih u siromašnijim dijelovima zemlje, obuka za upravljanje kampom, organizacija i kreiranje različitih aktivnosti, uspostava zajedničke platforme čiji cilj je da iznese aktualne probleme mladih ljudi i probleme u turizmu na nacionalno-političkom nivou, umrežavanje sa ostalim Evropskim omladinskim inicijativama i razmjena iskustava i sposobnosti, te predstavljanje mladim ljudima nevjerovatne prirodne i kulturne resurse koji su im dostupni.

Nadamo se da ćete nam se pridružiti ako ne 2008. godine, onda u bliskoj budućnosti kako bi doživjeli ovu čarobnu zemlju koja je nekada razdvajala, a sada spaja Istok i Zapad. Garantujemo vam da ovaj kamp pruža mnogo više od onoga što su vaša djeca ikada zamišljala i da će biti nezaboravan doživljaj za sve.

našem Ljetnom Kampu



2



3



4



5

Naš omladinski kamp je sve ono što omladina treba. Svakodnevne aktivnosti u kampu podrazumijevaju edukativne programe, kulturnu razmjenu, sportske aktivnosti i još mnogo toga. Desetodnevni boravak u kampu je predviđen za mlade uzrasta od 14 do 19 godina. Mladi stječu nove vještine, izgrađuju karakter i razvijaju povjerenje kroz široki spektar različitih programa. Zahtjevne aktivnosti ispunjene zabavom i avanturom, jakim odnosima i momentima poput "To, uspio sam!", koje se odvijaju u potpuno sigurnoj i strukturisanoj okolini, donose novo značenje za učesnike.

Datumi boravka u kampu:

Kamp I: Jun 29 – Juli 8, 2008; Vlasenica, BiH
Kamp II: Juli 13 – Juli 22, 2008; Vlasenica, BiH
Kamp III: Avgust 3 – Avgust 12, 2008; Bratunac, BiH
Kamp IV: Avgust 17 – Avgust 26, 2008, Bratunac, BiH

Informacije o ljetnom kampu:

Vrsta kampa: šatorsko naselje

Pol: miješani

Dob učesnika: 14 do 19 godina

Kapacitet kampa: 50 osoba

Lokacija: rekreacijski skijaški centar Igrišta u Vlasenici, udaljen 90km ili 2h vožnje od Sarajeva, te područje rijeke Drine (3h vožnje od Sarajeva)
Smještaj i hrana: puni pension, smještaj u našim udobnim šatorima (2 do 3 osobe po šatoru) blizu planinarskog doma. Toaleti na raspolaganju.

Cijena: (desetodnevni boravak uključen): 100 KM (BiH), 200 eura (zemlje EU), 100 eura (zemlje regiona)

Organizatori kampa: dvije omladinske organizacije sa područja Istočne Bosne

Najbliži veći grad: Sarajevo

Aktivnosti:

Umjetničke radionice: izrada nakita, slikanje na platnu i muzičke radionice;

Sportske aktivnosti: odbojka, brdski biciklizam, fudbal;

Avanturističke aktivnosti: raznovrsne avanture, planinarenje, mušičarenje, orijentacija u prirodi, penjanje po stijenama, preživljavanje u divljini;

Raznovrsne aktivnosti: teambuilding, volonterizam, ekologija, društvena odgovornost, radionice kuhanja bosanskih tradicionalnih jela

Program u ljetnom kampu:

Dnevni raspored

08:00 buđenje
08:30 doručak
09:00 aktivnosti
12:00 slobodno vrijeme
13:00 ručak
14:00 odmor
15:00 aktivnosti
17:30 slobodno vrijeme
18:15 večera
20:00 večernji program
22:00 spavanje

Šta se dešava u kampu?

Naša grupa je naporno radila tokom godine da bi vaše vrijeme koje provedete u kampu bilo najbolje provedeno vrijeme tokom ljeta. Dani su ispunjeni zabavom i kreativnim vanjskim aktivnostima. No međutim, dan ne staje na tome.



Večeri podrazumijevaju tematske aktivnosti. Vaše vrijeme u kampu ćete provesti ne samo u zabavi i stvaranju novih prijatelja nego ćete steći dublje znanje o našoj zemlji, te se pobliže upoznati sa globalnim problemima s kojima se suočavamo u današnje vrijeme.

Šta su to tematske večeri?

Svaka večer kampa će biti popraćena određenom temom. Sve što radimo ili nosimo će biti u skladu sa temom te večeri. Dakle, počnite kopati po tavanima, podrumima ili jeftinim prodavnicama u potrazi za prikladnim kostimima.

Koliko je osoba u šatoru?

2 do 3 osobe i vođa grupe će biti smješteni u jednom šatoru.

Ko su vođe grupa?

Naši vođe grupa su pažljivo odabrani članovi omladinskih organizacija iz cijele zemlje. Svaki vođa grupe je već godinama uključen u omladinski pokret i ima razumjevanja za pitanja mladih. Vođe grupa su obučeni u svim temama koja se tiču kampa, počevši od organizacije i vođenja aktivnosti do građenja dobrih odnosa sa učesnicima kampa. Svrha obuke osoblja je upravljanje kampom gdje je sigurnost na najvećem nivou. Imaćemo najmanje jednog vođu kampa na svakih osam učesnika.

Šta treba ponijeti?

Iako je ljetni period vrijeme u planini se može promijeniti u trenutku i varirati od veoma toplog do hladnog. Stoga preporučujemo da pored svoje "normalne" ljetne odjeće donesete po mogućnosti planinarske cipele, ako ne, onda tene, topliju jaknu i pantalone, fleecce/džemper, kabanicu, kupaći kostim, sunčane naočale, kremu za sunčanje, stvari za osobnu higijenu, peškir.

Registracija

Da biste se registrovali za učešće u ljetnom kampu 2008. godine, možete pozvati "Omladinski savjet Vlasenica" na +387 56 733811 ili na broj mobilnog telefona +387 63 784062 u toku našeg radnog vremena od 8h do 17h, ponedjeljak - petak; posjetite našu web stranicu www.youthcamp-vlasenica.ba ili nam jednostavno pošaljete e-mail na adresu: info@youthcamp-vlasenica.ba

Pri registrovanju za omladinski ljetni kamp, trebate uplatiti polog od 50KM koji je nepovratan i neprenosiv u slučaju otkazivanja. Ostatak uplate se treba uplatiti prije ili na dan dolaska u kamp.